



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

Name of School : SHATIN PUBLIC SCHOOL
學校名稱 : 沙田公立學校
Name of Play 劇名 : 《開學日》
Script writer 劇作者 : 劉珈蔚、陳志權

Synopsis 故事大綱:

故事簡介

恢復面授課堂在即，同學們因為各種原因，擔憂復課來臨。有見及此，老師特意邀請同學提早回校幫忙完成學校的壁畫，為適應復課作準備。正當大家懷著各種心思完成任務時，一不小心，阿朗撞跌顏料，使壁畫大受破壞，大家擔心壁畫破壞被罰，互相指責。究竟他們能否順利在限期之前完成壁畫呢？



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

第一場 Zoom 堂多樂趣

(音樂入，同學開始上 ZOOM 堂。)

Song 1 Zoom 堂多樂趣

作曲、作詞、編曲：劉珈蔚

Zoom 堂 Zoom 堂 Zoom 堂 (媽媽：上堂喇！)

Zoom 堂 Zoom 堂 Zoom 堂 (爸爸：快啲開電腦啦！)

女仔：又到 9 點鐘 開始上課男仔：直到尾分鐘 先著校服

阿朗：未訓醒 仲係張床 淨露出個樣 (眾人：牙都未刷～)

軒少：技巧真高超 邊一個及我吳仔：動態 Profile Pic 先最實用

男仔：食早餐 打下機 老師都唔知道 (汶汶：咁樣都得架咩)

阿聰：日日對住個 Mon 全然不太投入阿朗：同學久久不見 生疏不得了

阿聰阿朗：課業又唔識做 (軒少：遲啲先再做啦)

眾人：擦下手機 開始直播仲有我最愛 新買玩具 Zoom 堂 非常 的忙沒法管 STUDY, PRESSURE, NO MORE!

又再 ZOOM ZOOM ZOOM ZOOM 多樂趣

在我家開心 壓力擔憂粉碎

Zoom 堂 非常 的忙

沒法管 STUDY, PRESSURE, NO MORE!

又再 ZOOM ZOOM ZOOM ZOOM 多樂趣

其實我最怕 放棄現狀



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

阿朗：想 Hea（眾人：想 Hea）阿朗：想訓（眾人：想訓）上網課最自由喇

（音樂完，昊仔及軒少繼續打機。）

老師 VO：今堂上到黎呢度，我有個好消息比大家，完咗個假期，我哋就開始恢復正常上課喇！

眾同學：下！

阿聰：死啦！仲有好多功課未做添！

阿朗：咁耐冇見，啲同學會唔會唔理我㗎？

汶汶：好彩仲需要繼續戴口罩……

昊仔：（打機中）軒少！對面狙擊緊我地啊！

軒少：（打機中）幫緊你幫緊你！

老師 VO：為咗幫助你哋早啲適應校園生活，我想邀請你哋聽日返學校幫手完成壁畫，記得帶齊用具，唔好遲到呀！

眾同學：知道！

老師 VO：聽日見！拜拜！

軒少：（打機中）拜拜……今次仲唔贏？！（突然停下）咩話？聽日見？

昊仔：（打機中）做乜停呀？我哋輸咗喇！

軒少：老師話聽日見㗎……

昊仔：發生咩事呀？

（燈轉，第一場完。）



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

第二場 壁畫危機

(燈轉，學校操場上，阿朗、軒少、昊仔、阿聰及汶汶在台中傾談。)

阿聰 : 好耐冇見喇，終於可以返學喇！

軒少 : 阿聰，乜你好鐘意返學咩？

汶汶 : 阿聰應該都係同我一樣，好掛住大家，阿朗，你話係唔係啊？

阿朗 : (尷尬地) 呃……我去做壁畫先啦！

(阿聰汶汶感到奇怪地對望。)

軒少 : 你哋啲高材生梗係鍾意返學啦！我就想留喺屋企喇，日日可以打，尋日差少少就打爆機啦！

昊仔 : 軒少，趁老師唔係到，打埋鋪機先算啦！

軒少 : 我一早就想咁啦！(與昊仔離開)

汶汶 : 喂！等陣先我地唔係要做壁畫...咁？咁點啊，佢哋就咁走咗去...

阿聰 : 唉，算啦，都要照做架，而且阿朗畫畫咁好，一定無問題既！你話係唔係呀，阿朗？

阿朗 : (細聲) 呃...呃...嗯

(阿聰略顯奇怪，汶汶打圓場。)

汶汶 : 好喇，唔好講咁多住喇，我地開始畫畫先啦。

(眾同學默默地畫壁畫，一段時間後。)

阿聰 : 終於畫左大半啦！有人一齊做就係快好多！

眾同學 : 無錯呀！

阿聰 : 不如陣間一齊食Tea，慰勞下自己啦！

汶汶 : 唔好啦，我怕疫情啊！

阿聰 : 而家疫情好返好多啦，我哋好似好耐冇一齊食野喇，係咪呀阿朗？



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

阿朗 : 呃...畫完幅畫先啦!

阿聰 : 好啦好啦...(去檢查顏料)啲顏料就嚟用晒喇，邊個負責買新既顏料㗎?

阿朗 : (自責地)哎呀! 今朝太早起身，我漏咗係屋企添。視藝室好似仲有，我去拎啦!

阿聰 : 唔好，呢度你有咗你搞唔掂啊，叫其他同學幫手啦!

(阿聰和汶汶在尋找可以幫手的對象。)

汶汶 : 昊仔、軒少，你地兩個仲係個度打機? 唔駛做啊宜家?

阿聰 : 我地做左成個鐘喇，你地再唔做我地就同 Miss 講!

軒少 : 知啦! 幫緊你幫緊你。

(一邊打機一邊行去壁畫。)

阿聰 : 快啲幫手去是藝術室拎顏料!

昊仔 : 喂軒少! 有人偷襲我地啊!

軒少 : 哇! 呢鋪唔輸得架!

軒少 : YEAH! 我贏咗喇!

(軒少激動起來，身體不小心失去平行，本能反應抓住默默畫畫中既阿朗，令阿朗失去平行，令壁畫被手中的顏料破壞了。)

阿聰 : 軒少! 小心撞到阿朗呀!

阿朗 : 弊喇! 幅壁畫呀!

(眾同學看到壁畫，都議論紛紛。)

眾同學 : 嘩! 咩事呀?

同學1 : 點解幅壁畫搞成咁嘅?

阿朗 : 一日都係我，我唔小心撞到，所以就……

眾同學 : 點算呀?